



26. Januar 2016

Inatsisartut suleriaasianni § 37 naapertorlugu Naalackersuisunut apeqqutit imaattut ingerlatippakka:

Namminersornerullutik Oqartussat Alco-allu akornanni 2006-imi pituttuisuunngitsumik suleqatigiinnissamik isumaqatigiissuteqarneq aallaavigalugu, Aluminium-imik aatsitsiviliortoqarnissaanik tassungalu atatillugu Tasersiap eqqaani, erngup nukissiorfiliornissaq sulii Alcoap pilersaarutigineraa, piaartumik paaserusuppara.

(Inatsisartuni ilaasortat. Siverth K. Heilmann, Atassut)

Tungavilersuut:

Siusinnerusukkut Naalackersuisuusimasuniik ilisimatitsissutigineqaannarnikuuvoq, Alco-ap Maniitsup eqqaani Aluminium-imik Aatsitsiviliornissaq unitsinneqarallartoq. Suliap ingerlaarnerani pilersaarusiorneq malillugu eqqaamaniarpara, kingusinnerpaamik ukioq manna (2016) Alcoa isummereertussaavoq aatsitsiviliortoqassanersoq.

2006-imi Alco-alu atsioqatigiinnikuuvugut, Maniitsormiorpassuit nunatsinnilumi innuttaasorpassuit nuannapput, nunami suliffissarpassuit, ukiut 100 angullugit pilersinneqartussanngormata. Maniitsormiut pilersaarummut tikilluaqqusingaarput, sulilu tamanna attanneqarluni, taamaattumik paaserusunnarsilluinnarpoq, ilumut Aatsitsiviliornissamik pilersaarut piviusunngortinniarneqarnerseq, Naalackersuisutigoortumik paasiqarfigerusuppara.

Alco-ap pilersaarumminik taamaatitsissagaluarpat, suliffeqarfissuaq Norsk Hydro aatsitsiviliornissamik sanaartornissamillu misilittagaqarluartoq unammillernikuusorlu, sulii soqutiginninnerseq aperineqarsinnaasunullu akuulluarsinnaanera qularinngilara.

Kissaatigissavarput, akissuteqaat naligninnaasumik ullut sulifiit qulit qaangiutsinnagit tigusinnaassallugu.